

Duz Roegga Iq Roxsoq

懂 事 的 小 乌 鸦

Seizcin daengz lo, ndaw ndoengfaex miz duz roegga iq ndeu caeuq daxmeh de youq. Ngoenz neix, daxmeh duz roegga iq baenzbingh lo, duz roegga iq gietdingh bae ra non ma hawj daxmeh gwn, baenzneix gij bingh daxmeh couh ndei vaiqdi lo.

Duz roegga iq mbin ha mbin ha, sawqmwh bungz gyoengq doengzdoh, gyoengqde iucingj de doxcaez guhcaemz, hoeng duz roegga iq siengj daengz: Gou wnggai caeuq gyoengq doengzdoh doxcaez guhcaemz roxnaeuz bae ra non ma hawj daxmeh gwn ne? Seizneix de ukgyaeuj baez doengh, sim siengj: Mbouj ndaej, daxmeh lij baenzbingh youq ndaw ranz, gou itdingh aeu bae ra doxgaiq daeuj hawj daxmeh gwn. Ndigah de youh laebdaeb mbin bae baihnaj, de sijsaeq dwk ra ha ra ha, dauqdaej ra raen duz non youh biz youh hung ndeu lo. De sim' angq dwk gaeb aeu duznon riengjvaiq mbin bae ranz.

Dauqma daengz ranz le, duz roegga iq aeu duznon youh biz youh hung neix bwnq hawj daxmeh gwn, daxmeh gamjdoengh dwk fwt gotdawz duz roegga iq cup geij mbat, lij sim' angq sim' onj dwk doiq de naeuz: "Baujboiq, mwngz dauqdaej rox ciuqgoq daxmeh lo, mwngz caen dwg lwgndei daxmeh!"

Doenggvaq aen goj neix, gou rox gyaed dwg song mbiengj dox baedauq lo, gou lij aeu hag duz roegga iq dem, bang daxboh daxmeh guh gij saehcingz bonjfaenh guh ndaej daengz haenx.

(sam nienzgaep Goz Cenzhih raiz Dahdingz hoiz)



Nyouq Daengz Gij Hom Va Hai

闻到花开的味道



Youq rog singz aen singz iq ndeu, miz aen ranzfaex daegbied ndeu, ndawde miz boux vunzgeq gadog ndeu youq, de miz suen va ndeu. Vunzlai moix ngoenz cungj raen de youq ndaw suen nyaengqfoed, de daet nga mbaw, rwed raemx dwk bwnh, suenva hawj de loengh ndaej gyaundeidei dangqmaz, daengx bi daj gyauej daengz byai, roeg heuh va hom, duzrwi mbin duzmbaj foux.

Miz bi ndeu, canghdajveh ndeu loh gvaq gizneix, de yawjraen suenva caeuq aen ranzfaex gyaundeidei neix, sim maij dangqmaz. Seizneix, de yawjraen boux vunzgeq haenx, hawj de doek-saetyat dwg, boux vunzgeq haenx dwg boux dafangz ndeu. De byaij haeuj henz ndang boux vunzgeq neix, ngeiz-vaeg dwk cam: "Mwngz yawj mbouj raen gij va gyaundeidei neix, hoeng cix moix ngoenz cungj mbouj rox naetnaiq dwk youq ndaw suenva nyaengqfoed, vih gijmaz?" Boux vunzgeq riu lo, naeuz: "Daih'it, seiz gou lij coz dwg boux-ganqva, ndigah ciuhvunz neix cungj dwg bouxganqva; daihngaih, aen da gou

yawj mbouj raen, hoeng gou lij miz fwngz, ndaej lumh raen gij va gou; daihsam, gou youq ndaw suenva youq, baenzngoenz nyouq daengz gij hom dujva; aen yienzaen ceiq doeklaeng, cix dwg aenvih mwngz."

"Gou? Hoeng, mwngz youh mbouj roxnaj gou ha!"

Boux vunzgeq laebdaeb naeuz: "Dwg ha, gou mbouj roxnaj mwngz, hoeng gou rox dujva dwg dahsien ndawbiengz, vunzvunz cungj roxnaj dujva, cungj mbouj doi gij iucingj dujva. Miz haujlai boux ndiepgyaez ndwenngoenz lumj mwngz yienghneix ginggvaq gizneix, cungj aenvih yawjraen suenva gyaundeidei neix daengx din roengzdaej, vih de sim sangj. Gou hix miz seizgei caeuq mwngz youq gizneix gangigoj, doxcaez faenyiengj gij angq-yangz dujva."

Cijaeu ndaem va roengz ndaw sim bae, couh itdingh yawj ndaej raen gij gyaundeidei va hai, nyouq daengz gij hom va hai, dingqnyy gij sing va hai.

(sam nienzgaep Sez Mungz raiz Dahdingz hoiz)

"Mwngz ndei!" Lwgvuengziq naeuz, "Aenmauh mwngz geizheiq raixcaix."

"Daenj aen mauh neix dongx vunz lai roxsoq roxlaex go." Boux-luempjrog neix han naeuz, "Miz vunz dongx gou, gou cix duet mauh yaengx sang gyo'mbaiq gyoengqde. Hoeng mbouj miz saek boux vunz byaij gvaq gizneix ne, doeknaiq lai lo."

"Baenz yienghneix ha?" Lwgvuengziq naeuz. De nyi mbouj rox bouxluempjrog neix gangj gijmaz.

"Bongxfwngz vei! Aeu fwngzgvaz bongx fwngzswix."

Lwgvuengziq nyi liux cix bongxfwngz. Bouxluempjrog neix cix yaengx aenmauh gyo'mbaiq Lwgvuengziq.

Lwgvuengziq gag ngeix naeuz: "Mizyinx gvaq guekvuengz bw!" De cix bongxfwngz dem. Bouxluempjrog neix cix yaengx aenmauh gyo'mbaiq de dem.

Lwgvuengziq baenz yienghneix guh le haj faen cung, liux cix miz di mbwq le, cam naeuz:

"Gou guhlawz guh mwngz cij cuengq aenmauh roengzdaej ne?"

Bouxluempjrog nyi mbouj haeuj coenzhauq de. Aenvih bouxluempjrog dingqnyy gag coenzhaenh coenzndei ndwi.

De cam Lwgvuengziq naeuz: "Mwngz coengzbaeq gou dahraix dwg

le?"

"Coengzbaeq dwg eiqsei gijmaz ne?"

"Coengzbaeq couhdwg mwngz nyinhnaeuz gou youq gwnz aen singgiuz neix, vunz ceiq mbauqndei, daenj buhvaq ceiq gyaundeidei, ndaw ranz ceiq baenzsaq baenzmiz, uk ceiq gvai ceiq lingz."

"W, aen singgiuz neix miz gag mwngz boux vunz dog ndwi bw."

"Gyaemj gou mbat ndeu ndaej lwi? Mwngz coengzbaeq gou mbat ndeu vei!"

"Gou coengzbaeq mwngz!" Lwgvuengziq yoenjyoenj mbaq, naeuz, "Yienghneix mizyinx lai ma?"

Gangj liux Lwgvuengziq cix deuz lo.

Lwgvuengziq

小王子

bouxraiz Swng' aihgwzshbeilij bouxhoiz Luz Fwncangz

圣埃克苏佩里 著 卢奇长 译



"Gwn laeuj go!" Laeujgeq naj-saep han naeuz.

"Mwngz vihmaz gwn laeuj ne?" Lwgvuengziq cam naeuz.

"Gou yaek lumz." Laeujgeq han naeuz.

"Lumz gijmaz ne?" Lwgvuengziq cam dem, de cojgvaq boux laeujgeq neix.

"Lumz najmong go." Laeujgeq doekdin naiqhengh nyinhsoh han naeuz.

"Najmong gijmaz ne?" Lwgvuengziq cam de dem, de naemj coengh boux laeujgeq neix.

"Najmong gwn laeuj go." Laeujgeq gangj coenz neix sat cix mbouj guhsing lo.

Lwgvuengziq naemj mbouj rox boux laeujgeq neix guhmaz le.

De laebdaeb byaij baenaj dem, vubvub vebveb gag naeuz: "Bouxlaux geizheih dahraix!"